


婦人良方卷之八十一

特別
79
1087
4



79
1037
4



大醫院校註婦人良方大全卷之八

婦人小便淋瀝不通方論第一

婦人淋瀝由腎虛而膀胱熱也蓋膀胱與腎為表裏主於水行於脬者為小便也若腎虛則小便頻數膀胱熱則小便淋瀝甚則不通腹脹喘急當速治之

愚按前症若膀胱熱結用五淋散若脾肺虛熱用補中益氣湯加山藥五味麥門若脾經鬱熱用加味歸脾湯若肺經鬱熱用黃芩清肺 肝經濕熱 龍膽泻肝湯 加味

江右臨川陳有明良甫編
大醫院使立齋薛已校註
建邑書林泗泉余彰德梓



道遥散陰虛用 丸加柴胡山梔木松不渴而利者熱
在下焦血分也用滋腎丸渴而不利者熱在氣分也用清肺
飲尺脈數而無力者陰火盛而陽不能化也用六味丸滋腎
丸為至尺脈浮而無力者陽氣虛而陰不能生也用加減八
味丸滋腎丸為至

附治驗

一婦人素有前患內熱體倦余以為肝火血少脾氣虛弱用八
珍道遥二散兼服月餘而小便利又用八珍湯而氣血復
一婦人患前症面青脇脹諸藥不應予以為肝經氣滯而血傷
用山梔川芎煎服而愈
一婦人小便不利小腹并水道秘悶或時腹脇脹痛余以為肝

火用加味道遥散加龍膽草四劑稍愈乃去膽草佐以八珍
散加炒黑山梔煎服而瘥
石膏湯 治小便實熱氣滯淋瀝

石膏 黃芩炒 木通 榆白皮 葵子

藿麥 甘草各五分

右薑水煎服

鷄蘇散 治血熱淋瀝

鷄蘇葉 木通各二兩 生地黃 滑石各三兩 刺蘆根一兩

右每服半兩淡竹葉三七片水煎

桃仁煎 治血癥小便如淋臍腹脹痛方見血癥門第

火府丹 治心經積熱小便澀及下淋加甘草九論

生地黄二兩并膏

木通為

黃芩各

右加蜜九桐子大每服三十九木通煎湯下

許學士云一卒病渴日飲水斗許不食者三月心中煩悶時

已十月余謂心經有伏熱與少府丹數服越二日來謝云常

日三服渴止又三服飲食如故此本治淋用以治渴可謂通

變也

一方牛膝一合水煎入麝香少許服之郵縣耿武尉夢得其內

患淋下砂石剝剝有聲甚為苦楚一服而愈

附方

滋腎丸 治熱在血分不渴而小便不利或腎虛足熱腿膝無

力不能履地又下焦陰虛小便不利肚腹腫脹或皮膚脹裂

眼睛突出此神劑也

知母酒炒

黃柏酒炒各

肉桂二錢

右各另為末水九桐子大每服二百丸空心百滾湯下

黃芩清肺飲 治肺熱小便不利宜用此藥清之

黃芩炒

山梔炒各

右水煎服不利加鹽豉二十粒

五淋散 治膀胱有熱水道不通淋瀝不出或尿如豆汁或成

砂石或如膏汁或熱拂便血

赤茯苓一錢

赤芍藥

山梔各一錢

當歸

甘草各一錢

右入燈心水煎服

補中益氣湯 方見二十四卷第六論

八珍湯 加味歸脾湯

加味道遙散 三方見二十四卷第四論

龍膽瀉肝湯 方見二十四卷第八論

加減八味丸 六味丸 二方見二十四卷第十一論

婦人脬轉小便不利方論第二

婦人脬轉或內熱傳搏於胞或忍小便氣逆於內以致小腹急痛不得小便甚者至死

愚按前症不問男女孕婦轉筋小便不利命在夕掌非八味丸不能救餘參前後論主治

附治驗 餘見第十五卷

一婦人小便淋澀小腹脹悶胸滿喘急諸藥不應余視為轉筋之症用八味丸一服小便如湧而安

一婦人因鬱怒小便滴瀝漸至小腹腫脹痰咳喘促余用八味丸料煎服小便即利而痊

一婦人素善怒小便淋瀝不利月經不調半載矣或兩脇脹悶或小腹作痛或寒熱往來或胸乳作痛或咽喉噎塞或兩脚筋攣或肢節結核面色青黃不澤形氣日瘦左關弦洪右關弦數此鬱怒傷肝脾血虛氣滯為患朝用加味歸脾湯以補脾氣解脾鬱祛肝火夕用滋腎丸生肝散滋腎水以生肝血柳肝火舒筋膜兼服月餘而愈

滋腎生肝飲

大醫三元交主婦人方

山藥 自製 黑馬
茯苓 各七
白朮 當歸
甘草 分三
柴胡 分三

右水煎服
葱白湯 治氣滯小便不通腹脹欲死

橘皮 兩三
葵子 兩一
葱白 一

右水煎分三服
八味丸 治脬轉小便不通殊有神効但世所不用以致誤人
多矣 方見二十四卷第十一論

滑石散 治脬轉小便數日不通
滑石 兩一
寒水石 兩二
葵子 合一

又方
右為末以水一斗煮至五升時服一升即利

亂髮 燒灰
葵子 各等分
車前子 各等分

右為末每服二錢酒調下
石韋湯 治脬轉小便不通 方見前
治強忍小便致脬轉尿不利困篤欲死

滑石 兩二
亂髮 生兩
右為末每服三錢桃白皮一觔細切熟拌入水三盞絞取汁
調服

千金翼用杏仁 二十粒 去皮尖 麩炒黃 嚼細水送下 立通
一古皂角為末吹鼻內取嚏

婦人小便數方論第三

小便乃腎與膀胱主之蓋腎氣通於陰若二經虛而熱乘之則小便澁滯虛則頻數也

愚按前症若肝經火動用逍遙散加龍膽草車前子膀胱火動六味丸加麥門五味肝腎濕熱龍膽瀉肝湯鬱傷肝脾加味逍遙散加味歸脾湯肝脾肺氣虛補中益氣加麥門五味肝經血虛加味逍遙散腎氣虛敗鹿茸散如不應用八味丸

附治驗

一婦人患前症小便頻數日晡熱甚此肝脾血虛氣滯而兼濕熱也用加味逍遙散加車前子而愈
一婦人患前症發熱煩躁面自赤色脉洪大而虛余謂此血虛

發燥用當歸補血湯數劑而痊

一婦人久患前症泥屬於火雜用寒涼止血之劑虛症悉具余曰此脾胃虧損而諸經病也當補中氣為主遂以六君補中二湯兼服兩月餘尋愈

桑螵蛸散

治腎氣虛寒小便數少或時頻數或夜間尤數

桑螵蛸

三十枚炒

鹿茸

炙

牡蠣

煨

右為末每服二三錢食前空心用薑湯調下日二服

縮泉丸 治脾氣虛寒小便頻數或遺尿不止小兒尤効

烏藥

益智仁

分

右為末酒煎山藥末為糊丸桐子大每服七十丸鹽酒或米飲下

鹿茸散 治腎氣虛寒便溺數或夜間頻數遺溺

鹿茸 炙 烏賊魚骨 桑寄生 當歸 龍骨各二兩

白芍藥 炒 附子炮各三錢 桑螵蛸炙各五錢

右為末每服二錢空心并食前用溫酒調下作丸服亦可丸用附子重一兩三四錢底平頂圓周圍有瓣者方是

附方

當歸補血湯 八味丸 六味丸

加減八味丸 四方見二十四卷第十一論

逍遙散 加味逍遙散

加味歸脾湯 三方見一十四卷第四論

六君子湯 補中益氣湯 二方見二十四卷第六論

婦人遺尿失禁方論第四

經云膀胱不利為癃不約為遺溺乃心腎之氣失其常度也故有便道澁而遺者有失禁而不知自遺者亦有生產傷膀胱不時而遺者有膀胱冷遺而不知者

愚按內經曰胞移熱於膀胱則癃溺血膀胱不利為癃不約為遺溺注曰膀胱為津液之府水注由之然足三焦脈實約下焦而不通則不得小便足三焦脈虛不約下焦則遺溺也靈樞經曰足三焦者大腸之別也並太陽之正入絡膀胱約下焦實則閉癃虛則遺溺竊謂前症若肝腎虛熱挺乳癰痲用六味丸如不應用加減八味丸陽氣虛薄膀胱結冷用鹿茸丸如不應用八味丸若脾氣弱不能止用補中益氣

湯加山藥山茱五味若肺氣虛身熱前思加杜附此症屬重熱者多真寒者少治宜審察

附治驗

一婦人小便自遺或時不利日晡益甚此肝熱陰挺不能約制用赤味丸料加白朮酒炒黑黃柏七分知母五分數劑諸症悉愈若誤用分利之劑愈損真陰必致不起
一老婦患前症惡寒體倦四肢逆冷余以為陽氣虛寒用補中益氣加附子三劑不應遂以參附湯四劑稍應仍以前藥而安附子計用四枚人參三斤許
一婦人病愈後小便出尿此陰陽失於傳送名大小腸交也先用五苓散一劑而愈又用補中益氣湯而安

鹿茸丸 治陽氣虛寒小便白濁滑數不禁或臍腹陰冷大便

不實

鹿茸 炙

椒紅

桂心

附子 炮

牡蠣 煨

補骨脂 炒

石斛

肉苁蓉 酒浸

雞脬 脰 炙

沉香 各一兩

桑螵蛸 炙 三錢

右為末酒糊丸桐子大每服三十九丸空心溫酒下
秘元丹 治陽氣虛小便不禁或夜多小便頻數

白龍骨 煨 三兩

訶子 十箇 去核

縮砂 去皮 一兩

右為末糯粥丸桐子大每服五十九丸空心鹽酒下

又方鹿角鎊炒為末每服三五錢空心熱酒調下

又方雞脬脰炙為末每服二三錢空心酒調下日二三服

又方桑螵蛸酒炒為末每服二錢空心清溫湯調下

附方

六君子湯 補中益氣湯 二方見二十四卷第六論

六味丸 八味丸 加減八味丸 三方見二十四卷第十一論

參味湯 方見十九卷第六論

五苓散 方見二十一卷第九論

婦人小便出血方論第五

心主於血通行經絡循環臟腑若得寒則凝澁得熱則妄行失其常道則溢滲於腠則小便出血也

愚按前症肝經血熱者加味逍遙散怒氣血傷者加味逍遙散調送髮灰若肝經風熱用前散送子芩丸氣血俱虛者八

玢散送髮灰膏梁積熱者清胃散加槐花甘草風熱傷胃者四君子加防風枳殼胃氣不能攝血者補中益氣湯鬱結傷脾不能攝血者濟生歸脾湯

附治驗

一婦人尿血因怒寒熱或頭疼或脇脹此肝血虛而肝火盛用加味逍遙散而血脹止補中益氣加蔓荊子而頭痛痊後鬱怒腹痛尿血仍用前散加龍膽草并歸脾湯治之將愈又因飲食所傷復作心中不寧徹夜不寐仍用前湯而痊
一婦人尿血面黃體倦飲食不進哺熱作渴此脾胃氣虛不能攝血歸經用補中益氣以補胃氣用歸脾湯以解鬱結更用加味逍遙以調養肝血而痊

一婦人小便出血服四物蒲黃之類更方熱熱吐痰於茶連之類又飲食少思虛症蜂起肝脉弦而數脾脉弦而緩此因肝經風熱為沉陰之劑脾傷不能統攝其血發生諸臟而然也余用補中益氣湯六味地黃丸而痊

鹿茸散 治勞損尿血發熱內熱或寒熱往來口乾作渴
鹿茸炙 當歸 熟地黃自製 葵子炒 蒲黃炒

右為末每服二錢酒調日三服

髮灰散 治起居所傷小便尿血或忍尿脾轉臍下急痛小便不通又治肺疽心切內崩吐血舌上出血用亂髮燒灰本藥 療瘀血通關隔利水道破癥瘕癰腫狐疝刺 痛症雜瘡療痔轉通大小便止咳嗽鼻切

右每服二錢以米醋湯調服

生地黄散 治血熱小便出血

生地黄二錢 黃芩炒五錢 阿膠炒 栢葉炒各一錢

右水煎服

當歸散 治血分有熱小便出血或時尿血

當歸 羚羊角鎊 赤芍藥各半錢 生地黄

刺薊葉各一錢 右水煎服

又方治血分有熱用生地黄杵取汁每用一小盞日三服

又方治血分有熱小便尿血用炒蒲黃末每服二錢溫酒調下滾湯亦可

又方腎虛鹿用膠二兩多黃為天作一版長流水調

附方

八珍散

加味道遙散

歸脾湯

三方見二十四卷第四論

子參丸

方見十二卷第六論

清胃散

方見二十四卷第一論

四君子湯

補中益氣湯

二方見二十四卷第六論

婦人大便不通方論第六

夫大便不通者由臟腑不調寒熱之氣結於腸胃或經水過多內
二津液宜用三脫散或四物加青皮或七宣丸麻仁丸選而用
愚按前症或大腸津血乾涸或血虛火燥不可計其日期飲

食數多必待腹滿脹自欲去而不能者乃用豬膽汁潤之若
妄服苦寒辛散之劑元氣愈傷或通而不正或成中痞之症
大抵血虛火燥用加味道遙散氣血俱虛用八珍湯燥藥傷
血用四物連翹甘草剋伐傷氣用四君川芎當歸內熱作渴
飲湯脈實用竹葉黃芪湯內熱作渴飲冷脈瀦用四物送潤
腸丸肝膽剋脾土而不能輸送用小柴胡加山梔郁李仁腸
胃氣虛而不能傳送用補中益氣加芍藥厚味積熱而秘結
用清胃散加芍藥其有熱燥風燥陽結陰結皆不宜損中氣
治者審之

附治驗

一婦人痰喘熱大便不通兩小寐寐洪大重按細此

肝脾腎虧也朝用六味丸夕用逍遙散各三十餘劑計所出
飲食百餘碗腹始痞悶正前所謂血虛火燥也以枳膽汁導
而通之用十全大補湯調理而安

通神散 治大便實熱不通其證心腹脹痛手不得近心胸煩
悶而欲飲食者

大黃炒芒硝 檳榔 桃仁并 郁李仁湯浸去皮微炒各一兩

右為末每服二錢粥飲調

大麻仁丸 治腸胃風結大便常秘而欲飲食者

大麻仁別研如膏 大黃炒各二兩 檳榔 木香 枳殼麩炒各一兩

右為末入麻仁煉蜜丸桐子大每服二十九溫水下

皂角丸 治大腸經有風大便秘結而不堅實者

皂角炙去子 枳殼麩炒等分

右為末煉蜜丸桐子大每服七十九空心米飲下

蘇麻粥順氣滑腸用紫蘇子麻子仁水研取汁煮粥食之

潤腸丸 治伏火風熱大腸乾燥若因失血或因腎虛當滋腎

水最忌此丸

麻子仁 桃仁去皮尖另研各一兩 羌活 當歸尾

大黃煨 皂角仁 秦艽各五錢

右另研為末煉蜜丸每服五十九空心白湯送下如直腸乾

澁用猪膽汁導之亦忌煎藥

附方

加味道遙散 八瓊湯二方見二十四卷第四節

補中益氣湯

四物湯

四君子湯 三方見二十四卷第六論

竹葉石膏湯 方見十三卷第十論

小柴胡湯 方見二十四卷第二論

清胃散 方見二十四卷第一論

瘡科竹葉黃芪湯 方見二十四卷第四論

婦人老弱風人便秘戒用利藥方論第七

初虞世云肺主氣肺氣不降則大腸不能傳送宜用杏仁枳殼訶子等藥若老弱風人津液短少大便秘澀用胡麻杏仁麻仁阿膠皂角之類每見用駛利之藥大便秘澀通精血復傷及致他病一男子病風淫末疾或用駛藥利之患肺痿敗膿血至大便秘

不通而死惜哉

愚按前症若胃強脾弱津液不得四布但輸膀胱小便數而大便難者用脾約丸若陰血枯槁內火燔灼脾肺失傳大便秘而小便數者用潤腸丸此丸若用之於熱甚氣實與西北稟厚者無有不効若用於東南及虛熱而氣血不足者則脾愈弱而腸愈燥反致虛痞矣此東垣先生之治法也其搜風順氣丸中貴及西北人用之多効東南人用之無不致害

附治驗

一老婦大便欲去而難去又不堅實腹內或如故或作脹兩關尺脈浮大余以為腸胃氣血虛弱每服十全大補湯加肉桂蓉去後始快若間二三日不服腹內仍脹大便仍難

搜風順氣丸 治痔漏腸風熱閉結元氣克實

車前子一兩五錢

大麻子炒

大黃生半錢半

牛膝酒浸

郁李仁泡湯

兔絲子酒浸蒸杵

枳殼炒

山藥各二錢

右為末煉蜜丸桐子大每服三十九空心白湯送下

子和脾約丸

麻仁一兩二錢半

枳殼炒

厚朴薑製

芍藥各一兩

大黃四兩蒸

杏仁去皮尖炒

右為末入杏仁膏煉蜜丸梧子大每服三二十九空心用滾湯送下內杏仁研爛

婦人泄痢秘結方論第八

經云春傷於風夏必發泄蓋木刑土也土不能滲泄則木氣勝

故津液燥而秘不可專以風治張氏母年七十患痢頻數腰脚拘攣百方不愈用葦藜酸棗仁治之即愈黃曾直苦秘結亦用前藥而愈故受症有不同也

愚按前症若因足三陰虧損發熱作渴胸膈不利飲食善消面帶陽色脈洪而虛肢體倦怠者用補中益氣湯六味地黃丸脾肺氣虛補中益氣湯脾經鬱結用加味歸脾湯氣血俱虛者小珎加肉蓯蓉腎經津液不足者六味地黃丸胃火消鑠津液竹葉黃芪湯肝木侮脾土小柴胡加山桅郁李仁枳殼膏梁積熱清胃散如山桅郁李仁枳殼若燥在直腸用猪膽導之

附治驗

大醫堂交生局

一老婦大便月餘不通，瘵喘內熱不得就枕，脈洪，八重按微，朝用六味丸，夕用逍遙散各五十餘劑，計進飲食百餘碗，小腹始悶，此火燥而消鑠也。以豬膽汁潤之，用十全大補而安，後仍不通用，八珍倍加，從茲常服而通。

治風人太便秘

皂莢子三百粒破作兩片，燻火炒燥，入酥一棗大，又炒燥，又入酥至焦黑為度。

右為米蜜丸，桐子大，每服三十丸，煎蒺藜酸棗仁湯空心下，良久未利，再服，漸加至百丸，以通為度。

蒺藜湯用蒺藜炒於去刺，三兩，酸棗仁炒香，一兩，每用五錢水一盞煎七分，去滓送下前丸。

大五柔丸 治臟氣不調，大便難利，或為秘結堅硬。

大黃飯上蒸，焙末。

葶藶炒末。

桃仁百枚，去皮尖，研。

右和勻煉蜜丸，桐子大，米飲下，三十丸，日三服，以和為度。

二仁丸 安康郡太守苦風秘，予處此方，用之甚効。

杏仁去皮尖，燻炒黃。

麻仁研。

枳殼去穢，燻炒為末。

訶子炒去核，為末。

右用煉蜜丸，桐子大，每服二三十丸，溫水下，未利，增之。

蜜導法用好蜜四五兩，石噐中微火熬，不住手攪，候可丸，以蛤粉塗手，捏如指，長三寸許，入太孔內，以手掩，良久即通，未通

再作文潞公泄利，求速効，用石脂龍骨等藥，便秘累日甚苦。

余告曰：此燥糞在直腸，藥所不及，請以蜜導之，下如糞，四下。

枳殼去穢，燻炒。

牛脂油。

杏仁四十枚，去皮尖，燻炒黃，別研。

白芍藥末。

茯苓酒浸，焙，各一兩。

十枚而愈

通氣散

治虛人憂怒以致傷肺與大腸不能傳送

陳皮

蘇葉

枳殼炒

木通各一錢

右水煎服

皂角丸蘇麻粥亦佳見前

附方

補中益氣湯

方見二十四卷第六論

六味丸

方見二十四卷第十一論

加味歸脾湯

八珍湯

逍遙散

加味逍遙散

十全大補湯

五方見二十四卷第四論

竹葉黃芪湯

方見二十四卷第二論

小柴胡湯

方見二十四卷第二論

清胃散

方見二十四卷首論

婦人泄瀉方論第九

論曰泄瀉之症因腸胃虛冷而邪氣乘之經云春傷於風夏必發泄蓋風傷肝肝木旺而剋脾土屬外因也若七情不平臟氣受傷屬內因也若飲食生冷傷脾屬不內外因也太法寒者溫之熱者涼之滑者澀之濕者燥之

愚按前症若生冷所傷用六君子香砂仁辛熱所傷用二陳炒連山施麵食所傷用六君子神麵米食所傷用六君子穀葉飲食不時而傷用四君子湯飲食過多而傷用六君子湯飲食停滯人參養胃湯脾氣虛弱者六君子升麻柴胡脾氣虛寒者

君木香炮薑肝木乘脾者六君柴胡芍藥肝火泄脾者六君
芍藥山桅中氣虛而下陷者補中益氣湯鬱結傷脾者濟生
歸脾湯腎氣虛者五味子散脾氣虛者二神丸脾腎虛者四
神丸命門火衰者八味丸真陽虛敗者固真丸仍與滯下方
參用

附治驗

侍御沈東江之內停食腹痛作瀉以六君加木香炮薑而愈
後復作傳為腎泄用四神丸而安

侍御徐南湖子室瀉屬腎經不信余言專主滲泄以致不起
一婦人年踰五十不食夜飯五更作瀉二十年矣後患痢午前
用香連丸午後用二神丸各二服而痢止又以二神丸數服

而食夜飯不月而形體如故

吳江史玄年母素有血疾殆將二紀平居泄瀉飲食少思面
黃中滿夏月尤甚治血之藥無慮數百劑未嘗少減余以為
脾腎虛損用補中益氣湯送二神丸復用十全大補湯前送
前丸食進便實病勢頓退若泥中滿忌參朮痰痞忌熟地便
泄忌當歸皆致誤事

桂香丸 治虛寒滑泄腹痛或嘔吐不食手足逆冷

附子炮 肉苳蔻炮 丁香 桂心

白茯苓 各一兩 木香炮 白乾薑 炮各兩半

右為末米糊丸桐子大每服五十丸空心米飲下

胃苓散 治脾胃所傷吐瀉不止水穀不分即五苓散合平散

右每服五七錢用薑棗水煎空心服仍節飲食

木香散

治臟腑虛寒下泄米穀口舌生瘡或嘔吐不食

木香煨

破故紙炒良薑

縮砂炒

厚朴製各

赤芍藥炒橘紅

桂心

白朮各半胡椒

吳茱萸泡各

肉豆蔻煨檳榔一箇

右為末每服三錢用猪肝四兩批薄以藥摻拌量入水醋鹽
恣薑煮乾空心頓食或丸桐子大每服百丸粥飲下日三服
府博趙宜人患泄瀉諸藥無効診之曰此肝腎虛也服煎散
而愈經曰洩痢前後不止腎虛也又曰諸厥固泄皆屬於下
下謂下焦肝腎之氣也閉戶束要肝之氣也肝氣厥而上行
故下焦不能禁固而泄痢腎為胃關門戶不要故倉廩不也

香蓮丸

治痢疾并水瀉暑瀉腹痛不問赤白神効

黃連淨二

吳茱萸去枝梗

右先將二味用熱水拌和入磁器內置熱湯頓一日同炒至
黃連紫黃色去茱萸用蓮為末每末四兩入木香末一兩淡醋
米飲為丸桐子大每服二三十丸滾湯下久痢中氣下陷者
用補中益氣下中氣虛者用四君子下中氣虛寒者加薑桂
三黃丸 治熱痢腹痛或口舌生瘡咽喉齒痛及一切實火之

黃芩

黃連

黃柏各炒

右各另為末水糊丸桐子大每服七八十丸白湯下

芍藥湯

治熱痢便血後重經曰洩而便膿血此氣行而血止

也行血則便膿自愈調氣則後重自除

芍藥炒一兩

當歸

黃連炒各半兩

檳榔

木香

甘草炙各二錢五分

黃芩炒五錢

右每服半兩水煎如不減加大黃此症多有因中氣虛弱脾氣鬱結者治當審察

二神丸

加五味二兩吳茱萸黃四兩多四神丸

治脾胃虛弱侵晨五更作瀉或全不思食或食而不化大便不實神效

破故紙炒四兩

肉豆蔻生用二兩

右為末用大紅棗四十九枚生薑四兩切碎同棗用水煮熟去薑取棗肉和藥丸桐子大每服五十九空心鹽湯下

五味子散

治腎經虛弱大便不實或夜間或五更泄瀉

五味子炒二兩

吳茱萸兩半

右為末每服二錢空心米飲調下其效如神米糊為丸亦可

白朮芍藥湯

治脾經受濕水泄注下體重腹滿形體倦怠不欲飲食或暴泄無數水穀不化

白朮炒

芍藥炒各二錢

甘草炒半錢

右水煎服

茯苓湯

治濕熱泄瀉或飲食傷瀉

白朮炒

茯苓各五錢

右用水煎食前服一方有芍藥等分名白朮散

滲濕湯

治寒濕所傷身重腰冷如坐水中或小便秘澀大便溏泄此症多因坐臥濕地或陰雨所襲而致

蒼朮

白朮炒

甘草炒各一兩

乾薑炮

茯苓各二兩

陳皮兩 丁香各二錢半

右每服四五錢棗水煎

防風芍藥湯 治飧泄身熱脉弦腹痛及頭痛

防風 芍藥 妙 黃芩 妙各二錢

右用水煎服

六君子湯 四君子湯

補中益氣湯 三方見二十四卷第六論

人參養胃湯 方見七卷第十八論

十全大補湯 濟生歸脾湯 二方見二十四卷第四論

八味丸 方見二十四卷第十一論

東垣補真丸 方見七卷第三論

婦人協熱下痢方論第十

論曰下利赤黃米穀不化作渴嘔逆小便不利心煩躁脉虛大而數此胃經虛熱津液不分併於大腸所致先用五苓散次用玉粉丹四味阿膠丸主之

愚按前症若胃氣虛弱用補中益氣湯肝木侮脾土用六君子湯鬱結傷脾土用歸脾湯命門火衰用八味地黃丸餘各論主之

附治驗

一婦人五月間患痢日夜無度小腹墜痛發熱惡寒余以為脾氣虛弱用六君子湯送香連丸二服漸愈仍以煎湯送四神丸四服全愈至七月終忘情嗜臥四肢不收體重節痛口舌

乾燥飲食無味大便不實小便頻數濕浙惡寒悽慘小藥此肺之脾胃虛而陽氣不伸也用升陽益胃湯而痊

玉粉丹

蛤粉

硫黃等分

右為末米糊丸桐子大每服五十丸用茶飲下

四味阿膠丸

黃連炒

赤茯苓兩

芍藥炒三兩

阿膠炒一兩

右為末以醋丸桐子大每服三十丸食前米飲下

附方

補中益氣湯

六君子湯

二方見二十四卷第六論

歸脾湯

方見二十四卷第四論

八味丸

方見二十四卷第十一論

婦人帶下方論第十一

經云春傷於風夏生飧泄蓋風傷肝然春時肝木反剋脾土以致滯下赤白裏急後重先服神木散次用五苓散之類煩渴腹痛小便赤澀脈洪數為熱用白頭翁湯之類脈虛弱為伏暑用香薷散之類如風邪下血用胃風湯腹痛嘔逆手足俱冷六脈微細為臟腑虛寒急服四順附子湯灸氣海丹田二穴及痢腸滑用理中湯加肉果訶子或十全大補湯加木香肉果之屬若一方一郡所患相類者乃屬疫症

愚按東垣云太陰經受濕水瀉變膿血脾傳於腎者謂之賊邪難愈先痢而後瀉者謂之微邪易痊若厥陰經下利脈沉

微手足厥逆用麻黃小續命湯汗之若身冷自汗小便自利
脉微嘔吐用漿水散溫之若脉疾身動下迫聲響用白朮芍
藥湯脉沉身靜飲食不入用薑附湯身體沉重四肢不舉用
朮附湯竊謂前症若飲食停滯用六君子湯以補脾胃消飲
食若胃氣下流用補中益氣湯以補脾胃升元氣若風傷腸
胃宜用神朮散以補脾胃解外邪若痰積中焦宜用六神丸
以補脾胃化痰滯大凡脾胃虛弱宜補中氣調飲食

附治驗

一老婦食後因怒患痢裏急後重肛門脫下此脾氣下陷用六
劑六君加附子肉蔻煨木香各一錢吳茱五分骨脂五味各
一錢五分二劑諸症悉退惟小腹脹悶此肝氣滯於脾也與

調中益氣加附子木香五分四劑而愈後口內覺鹹此腎虛
水泛與六味地黃丸二劑頓愈又以飲食失宜太使不實四
肢逆冷此脾胃復傷與六君加附子五分及八味丸而愈
先太宜人仲夏患痢腹痛去後無度煩渴飲湯手按腹痛稍
止脉鼓指而有力此真氣虛而邪氣實也急用人參五錢白
朮茯苓各三錢陳皮炙草附子升麻各一錢服之即睡覺而
索食脉症頓退再劑而安此取症不取脉也其時同患是症
服痢藥者俱致不起惜哉

神朮散

治春傷於風夏生飧泄或傷風頭痛項背拘急鼻流

清涕

蒼朮錢二

藁本

川芎錢一

羌活

粉草炒一分 細辛五分

右用薑水煎服欲發汗加葱頭

四順附子湯

生附子去皮

白乾薑炮

甘草炒

人參各一兩

右每服四五錢水煎吐瀉腹痛加肉桂半兩小便不利加茯苓

苓半兩若體寒自汗手足逆冷六脉虛弱背寒面垢或面如

塗油齒乾煩悶躁渴引飲此為伏暑宜用小柴胡湯五苓散

酒蒸黃連丸

加減參附湯

治寒痢陽氣脫陷嘔吐不食手足俱冷

大附子炮

大肉參各二錢

丁香十五粒

右用薑十片米一撮水一鍾煎服如不應再加之

治禁口痢甚妙石蓮肉為末每服二錢陳米飲調下
又方乾山藥半生半炒黃為末不拘時用米飲調下

附方

胃風湯 治風冷乘虛客於腸胃以致米穀不化泄瀉注下或

腸胃濕毒下如豆汁或下瘀血

人參

白茯苓

芎藭

肉桂

當歸

白芍藥炒 白朮炒各等分

右每服三二錢入粟米數粒水煎空心食前熱服

水煮木香丸 治久痢裏急後重日夜無度其効如神

罌粟殼去穢

青皮去白

甘草炒各二兩

訶子炮去核

當歸

木香各六兩

右為末煉蜜丸彈子大每服一丸亦煎化空心服
戊巳丸 治胃經受熱泄痢不止或飲食不入腹痛不止

黃連炒

吳茱萸炒

白芍藥各五兩

右為末麵糊丸桐子大每服三十丸米飲食前下

真人養臟湯 治下痢赤白裏急後重腹痛脫肛

粟殼蜜炙三兩六錢

人參六錢

白朮六錢

肉桂八錢

當歸六錢

訶子皮一兩二錢

木香二兩四錢

肉豆蔻麵煨半兩

白芍藥炒一兩半

甘草炒一兩

右每服四錢用水煎臍寒加附子一兩

升陽除濕防風湯如大便閉塞或裏急後重數至圍而不能便
或有白膿或蒸下血此鬱結而不通也以此湯舉其陽則陰

氣自降矣慎勿利之

蒼朮米泔浸四錢

防風二錢

白朮炒

白茯苓

白芍藥炒各一錢

先將蒼朮用水一鍾半煎至一鍾內諸藥同煎至八分食前
熱服夫飲食入胃其氣上升輸精心肺然後下降若脾胃有
傷不能上升下流腎肝而成泄利法宜升補中氣不可疎下
此東垣發前人所未論也

調中益氣湯夫脈弦洪緩而沉按之中下不得一澁其證四肢
滿閉肢節煩疼難以屈伸身體沉重煩心不安忽肥忽瘦四
肢懶倦口失滋味太小便清利而數或上飲下便或太便秘
滯夏月飧泄或便後見血或下白膿胸滿短氣咽膈不通嗜
睡無力飲食少思方見四卷第五論

麻黃續命湯

防風 杏仁去皮尖各二兩 麻黃去節二兩 人參 黃芩炒
甘草炙 芍藥炒 防己 肉桂各一兩 附子炮去皮 五錢

右每服半兩用薑水煎

白朮芍藥湯 治太陰脾經受濕水泄注下體重微滿困弱無力不欲飲食或暴泄無數水穀不化宜此湯和之

白朮炒 芍藥炒各一兩 甘草炒五錢

右每服一兩水煎

漿水散 治暴利如水周身汗出一身盡冷脉微而弱氣短難言甚者吐血此為惡病急用此藥緩則不救

半夏一兩炮洗 附子半兩炮 乾薑一作乾生薑

肉桂

甘草各五錢

良薑二錢半

右為末每服三五錢漿水煎和滓熱服不應加之

薑附湯 治霍亂轉筋手足厥冷或吐逆身冷脉微急用此藥救之

乾薑一兩 附子一箇生用

右每服半兩水煎

木附湯 治下痢脾氣脫陷肢體不動汗出身冷氣短喘急或嘔吐不食等症須急用之

白朮 生附子須用好者

右為末每服五錢薑棗水煎和粗服如不應倍用之

六神丸 治食積赤白痢疾或腹痛不食或久而不止

神麴糊 麥芽炒 茯苓 枳殼炒
木香煨 黃連炒赤各等分

右為末用神麴糊丸桐子大每服五十九丸白湯送下

香連丸方見前
六君子湯 補中益氣湯二方見二十四卷第六論
五苓散方見二十一卷第十論
六味丸二方見二十四卷第十一論

婦人痢後嘔噦方論第十二

滯下咳逆嘔逆古人謂之噦此胃氣虛寒之危症也用橘皮乾薑湯半夏生薑湯丁香柿蒂湯熱證效逆用小柴胡湯橘皮竹如湯嘗治一痢效逆脉沉弱投退陰散兩服而愈又一痢後咳



逆多期門穴三壯而愈其穴在第六卷

愚按東垣云如泄痢而嘔者胃氣不和也上焦不和用生薑橘皮湯中焦不和用芎歸桂苓下焦不和而寒治以輕劑熱甚而治以重劑亦有胃火上衝而嘔者有積滯而嘔者有陰虛而嘔者丹溪云下痢吃逆自下衝上屬火之象古方悉以胃弱言之殊不知胃弱者脾陰弱也故久病變之乃胃弱脾寒之危症用半夏一兩生薑半兩或理中湯加枳殼茯苓半夏不効更加丁香柿蒂各十枚胃熱咳逆用橘皮竹茹湯別病忽然而致半夏茯苓湯加枳實半夏木香調氣散最佳

附治驗

一婦人痢後嘔噦服降火化痰等劑脉洪大按之虛細作

渴飲湯諸藥到口即嘔余以為脾胃虛寒不能司納以參朮
炮薑末各一錢以飯作丸米飲不時過三五粒至三兩許聞
藥不嘔乃以六君加炮薑三十餘劑而安

一婦人患前症飲食少思胸腹膨脹大便不實所見之症悉屬
虛寒假熱遂朝用補中益氣湯加炮薑木香夕用六君子送
四神丸漸愈又用八味丸料煎送四神丸而痊

一婦人因怒嘔噦時或昏憤口禁或時舉體肉動其面色或青
或赤余以為肝火熾盛脾土受侮用小柴胡湯加山梔釣藤
治之漸愈又用加味歸脾逍遙二藥調理而痊

橘皮乾薑湯 治胃寒嘔噦不食或吐痰腹痛無瀉
橘皮 通草 乾薑炒 桂心 甘草炒 人參各一

右水煎服

橘皮竹茹湯 治噦逆

橘皮二錢 竹茹 甘草炒 人參 半夏各一

右薑棗水煎

猪苓湯 治咳而嘔渴心煩不得眠

猪苓 茯苓 澤瀉 阿膠炒 滑石各一

右水煎服

半夏湯 治噦欲死

半夏兩 生薑切二

右水煎為二服

丁香柿蒂湯 治欬逆

丁香 柿蒂 人參 甘草 各一

丁香十

柿蒂十五

右水煎熱服

生薑橘皮湯

治嘔噦手足厥冷

橘皮錢一

生薑錢四

右水煎服

退陰散

治陰毒傷寒手足逆冷或咳逆不正脈沉細頭痛腰

重急進三服若傷冷每服丁字入正元散內同煎入鹽一捻

乾薑炮

川烏炒黃

右每服一錢鹽一捻水煎

倉廩湯

治痢疾心煩手足溫頭痛此熱毒上衝宜用此湯即

敗毒散每服四五錢入陳倉米百粒薑五片棗一枚煎若脈

微弱或胸腹虛脹手足厥冷或因服罌粟烏梅過多以致作嘔者宜用山藥半生半炒為末米飲調下日二三服

附方

木香調氣散

治氣滯嘔吐或胸膈不利心腹刺痛飲食不思

木香

白豆蔻

丁香

檀香各二兩

藿香

甘草炒各六兩

砂仁四兩

右為末每服二錢白湯調服

半夏茯苓湯

方見十二卷第三論

補中益氣湯

竹葉石膏湯

六君子湯

三方見二十四卷第六論

八味丸

方見二十四卷第十一論

婦人大便下血方論第十三

婦人臟腑損傷風邪所入以致大便下血或如豆汁或腹中作痛若糞後下血其來遠者前下血其來近者言病在上下也若面無血色時寒時熱脈浮弱按之如絲者是前症也

愚按前症或飲食起居或六淫七情失宜以致元氣虧損陽絡外傷若膏粱積熱加味清胃散怒氣傷肝六君柴芍芍歸鬱結傷脾加味歸脾湯脾氣虛弱六君子湯思慮傷心妙香散木腸風熱四物側柏荆防枳殼大腸血熱四物丹皮柴胡中氣下陷補中益氣茯苓半夏心脾不能攝血必補脾肺之源舉下陷之氣

附治驗

一婦人下血不已面色痿黃四肢畏冷此中氣下陷用補中益氣湯送四神丸數服而愈

光祿張淑人下血煩躁作渴大便重墜後去稍緩用三黃湯加大黃至四兩方應後用三黃湯又二十餘劑而愈此等元氣百中一二轉地官之內脾胃素弱因飲食停滯服剋伐之劑自汗身冷氣短喘急腹痛便血或用諸補劑皆不應余用人參炮附子各五錢二劑稍應却用六君子每劑加炮附子三錢四劑漸安又用前湯每加附子一錢數劑乃瘥

一婦人因怒胸痞飲食少思服消導利氣之藥痰喘胸滿大便下血余用補中益氣加茯苓半夏炮薑四劑諸症頓愈又用小珍加柴胡炒施全愈

婦人瘵血腹痛便血見前
加減四物湯 治腸風下血

側柏葉炒

荆芥

槐花炒

甘草炒各五分

枳殼炒

生地黄

當歸

川芎各一錢

右薑水煎

腸風黑神散

治腸風下血腹痛後重或肛門脫出

敗棕燒

木饅頭燒

烏梅去核

粉草各一錢

右水煎服

愚按前二症若病久中氣虛弱者必用培補脾胃為主

地榆湯陰結便血調龍

地榆四兩

甘草炒一兩半

縮砂仁四十七粒

右每服三錢水煎

防風如神散

治風熱氣滯糞後下血

防風

枳殼炒各等分

右每服三錢水煎

愚按前二症若胃氣虛不能統血而下用四君中氣下陷用補中益氣湯脾氣鬱結用歸脾湯氣血虛弱用八珍湯氣血虛寒用十全大補湯

治又下血成片用頭髮燒灰每服一二錢水調下

炒香散治心氣下血溫酒調下

附方

加味清胃散

方見二十四卷第六論

四君子湯 六君子湯 四物湯
 補中益氣湯 四方見二十四卷第六論
 八珍湯 加味歸脾湯 二方見二十四卷第四論
 二神丸 四神丸
 三黃丸 三方見前第八論

婦人痔瘻方論第十四

婦人痔瘻因鬱怒風熱厚味膏粱所致其名有五肛邊如乳出膿者為牝痔腫脹出血者為牡痔痔痛者為脈痔腫核者為腸痔登廁出血者為血痔治宜審之
 愚按前症婦人多因胎產經行飲食起居六淫七情失調所致男子多因醉飽入房筋脈橫解精氣脫泄熱毒乘虛而患

或入房強固其精木乘火勢而侮金或炙燻厚味陰虛濕熱宜涼血潤燥疎風潰後當養元氣補陰精不愈即成痔漏有串繫串陰穿腸者其腸頭腫塊者濕熱也作痛者風也便燥者火也潰膿者熱勝血也大便作痛者潤燥除濕肛門墜痛者瀉火導濕小便澀滯者清肝導濕經云因而飽食筋脈攣解腸澀為痔症屬肝腎不足故用加味地黃及六味丸有效慎勿敷毒藥及服寒涼之劑

龍甲散 治五種痔漏膿血淋離或腫痛堅硬下墜

龍甲 露蜂房 蛇蛻 蝟皮

猪後懸蹄 五味燒存 麝香分

右為末每服一錢空心生地黃煎湯調下更傳之

又方熱痛用藥水石朴稍為末以津調搽

附方

六味丸方見二十四卷第十一論

加味地黃丸方見二十四卷第六論

婦人脫肛方論第十五

夫脫肛者大腸之候也大腸虛寒其氣下陷則肛門翻出或因產勞力其肛亦然也

愚按前症若大腸濕熱用升陽除濕湯若血熱用四物條芩槐花血虛用四物白朮茯苓兼痔痛用四物槐花黃連升麻中風虛弱用補中益氣芍藥白朮中氣虛寒加半夏炮薑五味腎虛用六味丸虛寒用八味丸夫肺與大腸為表裏肛者

大腸之門肺實熱則秘結肺虛寒則脫出腎主大便故肺腎虛者多有此症

附治驗

一婦人脫肛用補中益氣加味歸脾各百餘劑而愈後因分娩復脫仍以煎藥各二百餘劑始愈

姚和衆以鐵粉傳之良聖惠方亦治陰脫陰腫

集驗方以生鐵三斤水一斗煮至五升取水洗日二次

孫真人用蝦蟆皮瓶中燒烟熏功效玄微

一方用五倍子煎湯洗以赤石脂末搽上托入或脫長者以兩床相並中空尺許以磁瓶盛湯令病人仰卧浸瓶中逐日易之收盡為度

附方

升陽除濕湯 自下而上引而竭之

升麻 柴胡 防風 神麴炒 澤瀉

猪苓各半 蒼朮一兩 陳皮 甘草炙 大麥蘖各三錢

右每服五錢水煎空心服胃寒腸鳴加益智仁半夏各半錢

薑棗同煎

四物湯 補中益氣湯 二方見二十四卷第六論

六味丸 八味丸 二方見二十四卷第十一論

婦人陰腫方論第十六

婦人陰腫因胞絡素虛風邪客之乘於陰部血氣相搏故也
愚按前症若氣血虛弱用補中益氣湯舉而補之肝經濕熱

用龍膽瀉肝湯滲而清之若陰腫陰痒陰冷陰挺當與後論
互相參看

附治驗

一婦人陰中腫悶小便澀滯兩脇作腫內熱晡熱月經不調時
或寒熱此因肝脾鬱怒元氣下陷濕熱壅滯朝用歸脾湯加
柴胡升麻解鬱結補脾氣升元氣夕用加味逍遙散清肝火
生肝血除濕熱各數劑諸症悉愈又用四君芎歸丹皮調補
肝脾而經水如期

芎藭散 治月水澀滯陰間腫痛

芎藭 當歸各一兩 秦艽二兩

右每服五錢入葱白水煎

白礬散 治陰腫堅痛

白礬半兩

甘草半錢

大黃一兩

右為末水和用棗大綿裹內陰中且兩換以愈為度

附方

補中益氣湯 方見二十四卷第六論

龍膽瀉肝湯 方見二十四卷第八論

婦人陰痒方論第十七

婦人陰痒為三蟲在腸胃之間因臟虛而蝕陰中微則為痒甚則為痛也

愚按前症屬肝經所化常用龍膽瀉肝湯道造散以主其內外以桃仁研膏和雄黃末或雞肝納陰中以制其蟲

附治驗

婦人胸膈不利內熱作渴飲食不甘肢體倦怠陰中悶痒小便赤澀此鬱怒傷肝脾所致用歸脾湯加山桅而愈復因怒患處并小腹脹痛用小柴胡加山桅芍藥止痛止用逍遙散加山桅而愈又因勞役患處腫脹小便仍澀用補中益氣加山桅茯苓丹皮而痊

婦人陰內痛痒不時出水食少體倦此肝脾氣虛濕熱下注用歸脾湯加丹皮山桅芍藥柴胡生草主之而安

婦人陰內痒痛內熱倦怠飲食少思此肝脾鬱怒元氣虧損濕熱所致用參芪歸朮陳皮柴胡炒桅車前升麻芍藥丹皮茯苓而瘥若陰中有蟲痒痛亦屬肝木以桃仁雄黃研納陰

中以絞之仍用清肝解鬱之藥有以鷄肝納之者乃取鷄之法也

一方搗新桃葉綿裹納陰中日三兩易

龍膽瀉肝湯方見二十四卷第八論

逍遙散方見二十四卷第四論

婦人陰冷方論第十八

婦人陰冷因勞傷子臟風冷客之用五加皮乾薑丹參蛇床子熟地黃杜仲各三兩鍾乳粉四兩天門冬一兩地骨皮二兩酒十五升漬二宿每服一盞空心食前飲之

愚按前症屬肝經內有濕熱外乘風冷所致若小便澀滯或小腹痞痛用龍膽瀉肝湯若內熱寒熱或經候不調用加味

逍遙散若寒熱體倦飲食少思用加味四君子若鬱怒發熱少寐懶食用加味歸脾湯

附治驗

一婦人陰中寒冷小便黃澀內熱寒熱口苦脇脹此因肝經濕熱用龍膽湯祛利濕熱用加味道遙散調血氣而安

一婦人所患同前更寒熱嘔吐兩股腫痛先用小柴胡加山梔

一劑寒熱嘔吐頓止次用龍膽瀉肝湯一劑腫痛頓消

一婦人陰中寒冷小便澄清腹中亦冷飲食少思大便不實下元虛寒治以八味丸月餘飲食漸加大便漸實又月餘諸症悉愈

八味丸治血弱不能榮養臟腑津液枯澀風寒客於子臟以

致食冷

愚按此丸果係肝脾腎虛殊有神効

附方

小柴胡湯 方見二十四卷第二論

龍膽瀉肝湯 方二十四卷第八論

加味道遙散 加味歸脾湯 二方見二十四卷第四論

加味四君子湯 方見二十四卷第六論

婦人陰挺下脫方論第十九

婦人陰挺下脫或因胞絡傷損或因子宮虛冷或因分娩用力所致

愚按前症當升補元氣為主若肝脾鬱結氣虛下陷用補中

益氣湯若肝火濕熱小便瀦滯用龍膽瀉肝湯

附治驗

一婦人陰中突出如菌四圍腫痛小便頻數內熱痛熱似痒似痛小便重墜此肝脾鬱結蓋肝火濕熱而腫痛脾虛下陷而重墜也先以補中益氣加山梔茯苓車前子青皮以清肝火升脾氣更以加味歸脾湯調理脾鬱外以生豬脂和藜蘆末塗之而收

一婦人陰中挺出五寸許悶痛重墜水出淋瀝小便瀦滯久與龍膽瀉肝湯分利濕熱朝與補中益氣湯升補脾氣諸症漸愈再與歸脾湯加山梔茯苓川芎黃柏間服調理而愈後因勞心或怒氣下部濕痒小便不利仍用前藥即愈

又方治前症用麻子仁研塗項中自吸入即洗去

附方

補中益氣湯 方見二十四卷第六論

龍膽瀉肝湯 方見二十四卷第八論

歸脾湯 加味歸脾湯 二方見二十四卷第四論

婦人陰中生瘡方第二十

竊謂前症乃七情鬱火傷損肝脾濕熱下注其外症陰中出如蛇如菌或如鷄冠狀或生蟲濕痒或潰爛出水或腫悶墜痛其內症體倦內熱經候不調或飲食無味晡熱發熱或胸脇不利小便痞脹或赤白帶下小便淋瀝其治法腫痛者四物湯加柴梔丹皮膽草濕痒者歸脾湯加柴梔丹皮淋瀝者

龍膽瀉肝湯白朮丹皮漬腐者逍遙散山梔川芎腫悶墜痛者補中益氣湯山梔丹皮佐以外治之法

一婦人腐潰膿水淋漓腫痛寒熱小便赤滴內熱作渴肢體倦急胸脇不利飲食少思余以為肝脾虧損用補中益氣內柴胡升麻各用一錢加茯苓一錢山梔二錢數劑少愈又與歸脾湯加山梔川芎茯苓三十餘劑諸症悉退惟內熱尚在再與逍遙散倍用山梔而愈

一婦人素性急陰內痛小便赤滴怒而益甚或發熱或寒熱此肝經濕熱所致用芎歸炒梔柴胡芩朮丹皮澤瀉炒芍車前炒連生草數劑漸愈乃去黃連澤瀉又數劑全愈

附方

四物湯

補中益氣湯 方見二十四卷第六論

逍遙散

歸脾湯 方見二十四卷第四論

龍膽瀉肝湯

方見二十四卷第八論

小柴胡湯

方見二十四卷第二論

女人交接傷丈夫頭痛方二十一

愚按前症當用補中益氣六味地黃以滋化源為主
來復丹交接相傷四肢沉重頭痛昏暈米飲下
右每服五十九 方見二十五卷第十論

附方

補中益氣湯

方見二十四卷第六論

六味丸

方見二十四卷第十一論

女人交接輒血出痛方第二十二

一婦人每交接出血作痛此肝火動脾而不能攝血用補中益
氣濟生歸脾二湯而愈若出血過多而見他症但用前藥調
補肝脾

千金療交接血出

桂心

伏龍肝 各等分

右為末酒服錢許

附方

補中益氣湯

方見二十四卷第六論

濟生歸脾湯

方見二十四卷第四論

女人交接他物所傷方第二十三

一婦人交接出血作痛發熱口渴欲嘔或用寒涼之藥前症益甚不時作嘔飲食少思形體日瘦余曰症屬肝火而藥復傷脾所致也先用六君加山桅柴胡脾胃健而諸症愈又用加味逍遙散而形氣復

一婦人陰腫下墜悶痛出水胸腹不利小便頻數內熱瞞熱口苦耳鳴此肝脾火症用小柴胡加車前膽草苓朮升麻一劑稍愈又用加味逍遙加升麻數劑漸愈乃以加味歸脾加升麻柴胡并補中益氣加山桅數劑頓愈仍用加味逍遙加味歸脾二藥調理全愈

婦人患前症熱痛或用寒涼敗毒藥飲食不入時欲作嘔小腹重墜余謂此脾胃復損元氣下陷先用補中益氣加炮薑

二劑重墜頓愈又加茯苓半夏二十餘劑而愈乃以歸脾湯少加柴胡升麻并六味地黃丸而康
又方割雞冠血塗之以赤石脂末搽之五倍子末亦良

附方

六君子湯

補中益氣湯 二方見二十四卷第六論

加味逍遙散

加味歸脾湯

歸脾湯 三方見二十四卷第四論

六味丸 方見二十四卷第十一論

婦人小兒家痛方第二十四

愚按前症當從二十一論互相主治
千金方療小兒嫁痛

甘草 生薑各五 白芍藥四 桂心二

右以酒二升煎三四沸服

又方海螵蛸燒為末酒服方寸匕日三服

又方小麥甘草等方煎湯洗其效

太醫院校註婦人良方大全卷之八 終

太醫院校註婦人良方大全卷之九

江右臨川陳自明良甫編
太醫院使立齋薛已校註
建邑書林泗泉余彰德梓

求嗣門 疾病既無須知
求嗣故以次之

陳無擇求子論第一

有夫婦則有父子婚姻之後必求嗣續故古人謂不孝有三無
後為大者言嗣續之至重也凡欲求子當先察夫婦有無勞傷
瘵疾而依方調治使內外和平則有子矣

愚按丹溪先生云人之育胎者陽精之施也陰血能攝之精
成其血成其胞胎孕乃成今婦人無子者率由血少不足

太醫院校註婦人良方大全卷之九

以攝清也血之少也固非一端然欲得子者必須補其精血使無虧欠乃可以成胎孕若泛用秦桂丸之劑薰戕臟腑血氣沸騰禍不旋踵矣竊謂婦人之不孕亦有因六淫七情之邪有傷衝任或宿疾淹留傳遺臟腑或子宮虛冷或氣旺血衰或血中伏熱又有脾胃虛損不能營養衝任審此更當察其男子之形氣虛實何如有腎虛精弱不能融育成胎者有稟賦元弱氣血虛損者有嗜欲無度陰精衰憊者各當求其原而治之至于太要則當審男女之尺脈若左尺微細或虛大無力者用八味丸左尺洪大按之無力者用六味丸兩尺俱微細或浮大者用十補丸又巢氏謂夫妻年命制克墳墓不利者理或有之若誤用辛熱燥血不惟無益反受其害以

素不生有病愈後而得子者附于左

治驗餘見醫事綱目求嗣部

- 一婦人月經淋瀝愈而生子見一卷月水不斷
- 一婦人患陽氣虛寒愈而生子見五卷冷勞第四症
- 一婦人患結核愈而生子見七十四卷結核類第三症
- 一婦人稟弱經行腹痛愈而生子見二卷經行腹痛
- 一婦人素虛弱患鶴膝風愈而生子見二十四卷卷膝風
- 一婦人患瘰癧愈而生子見二十四卷瘰癧第一症
- 一婦人患重唇愈而生子見二十四卷瘰癧第一症

裕尚書求男論第二

建平孝王妃姬皆麗無子擇民家未笄女子入御又無子問曰

求男有道乎。澄對曰：合男女必當其年，男雖十六而精通，必三十而娶，女雖十四而天癸至，必二十而嫁，皆欲陰陽完實，然後交而孕，孕而育，育而子，堅壯強壽。今未笄之女，天癸始至，已近男色，陰氣早洩，未克而傷，未實而動，是以交而不孕，孕而不育，而子脆不壽。此王之所以無子也。然婦人有所產，皆女子者，有所產，皆男者，太王誠能訪求多男，婦人至宮府有男之道也。王曰：善。未再期生六男，夫老陽遇少陰，老陰遇少陽，亦有子之道也。

無子論第三

夫無子者，其因有三：一墳墓風水不利，二夫婦年命相尅，三夫婦疾病墳墓不利，年命相尅，此非藥力可致。若夫婦疾病，必須藥餌，然婦人無子，或勞傷血氣，或月經閉澀，或崩漏帶下，右足

浮則為陽絕，或尺微瀦，或少陰脈浮緊，或尺寸俱微弱者，皆致絕產。若調攝失宜，飲食不節，乘風襲冷，結於子臟，亦令無子也。

千金翼求子方論第四

論曰：婦人之居幽閨，類多血氣不調，胎妊生產，崩傷之異，比之男子十倍，難療。其或七情失宜，或飲食無度，或胎瘡未愈，而遽合，或登廁風入陰戶，便成痼疾。若欲求子，交感之時，必天日晴明，神思清爽，氣血諧和，與天德福德相合。夫婦本命五行相生，并本命帝旺而生者，則壽而賢，否則不可得也。

交會禁忌第五

凡求子宜吉良日，交會當避丙丁及弦望晦朔大風雨霧寒暑雷電霹靂天地昏冥日月無光虹蜺地動日月薄蝕及日月火

光星辰神廟非竈圍廁塚墓屍柩之傍若交會受胎多損父母
生子殘疾天枉愚頑不孝若交會如法則生子福德智慧驗如
影響可不慎哉

男子受胎時日法第六

凡男女受胎皆以婦人經絕一日三日五日為男仍遇月宿在
貴宿日若以經絕後二日四日六日瀉精者皆女過六日皆不
成胎又遇旺相日尤吉夜半入房生子者賢明貴壽餘時皆凶

推支干旺相日法第七

春甲乙夏丙丁秋庚辛冬壬癸春寅卯夏巳午秋申酉冬亥子

推每月宿日第八

正月

二月	初一初六初九初十一十二十四二十一二十四二十九
三月	初四初七初八初九初十二十四十九二十二二十七
四月	初一初六初七初八初十一十七二十二二十五
五月	初三初四初五初六初八初十十五十八二十二二十八
六月	初一初二初三初四初五初六初十十二十三十五十六二 十二十五二十八二十九三十日

初一初三初十十三十八二十三二十六二十七二十八二十九日

七月

初十一十六二十一二十四二十五二十六二十七二十九日

八月

初五初八十三十八二十一二十二二十三二十四二十五二十六日

九月

初三初六十一十六十九二十二十一二十二二十四日

十月

初一初四初九十四十七十八十九二十二二十三二十九日

十一月

初一初六十一十四十五十六十七十九二十六二十九日

十二月

初四初九十二二十三十四十五十七二十四二十七

若春合甲寅乙卯夏合丙午丁巳秋合庚申辛酉冬合壬子癸亥與上件月宿日合者佳

求子服藥須知第九

論曰夫人求子服藥須知次第男服七子散女服盪胞湯紫石英門冬丸及坐導藥則無不效矣

七子散 主丈夫氣虛精衰少無子

大醫完交主

牡荊子 五味子 羌活子 車前子 梓潼子
 山藥 石斛 熟地黃 杜仲 鹿茸
 遠志各八分 附子炮 蛇床子 川芎各六分 山茱萸
 天雄各五分 桂心十分 白茯苓 牛膝 人參
 黃芪各五分 巴戟十分 菴蓉七分 鍾乳粉八分
 右為末每服錢許日二服酒調一方加覆盆子二錢
 慶雲散 主丈夫陽氣不足不能施化
 覆盆子 五味子各二分 羌活子一分 白木炒 石斛各三分
 麥門冬 天雄各九分 紫石英二兩 桑寄生四兩
 右為末食後酒服錢許日三服或米飲調冷去桑寄生加細
 辛四兩陽事少去石斛加檳榔十五箇

盪胞湯 治婦人全不產育
 朴硝 牡丹皮 當歸 大黃飯蒸久 桃仁各二
 細辛 厚朴 苦梗 赤芍藥 人參
 茯苓 桂心 甘草 牛膝 陳皮各二
 附子炮一兩 蠶蟲炒焦去 水蛭炒各二
 左每服六錢酒水合盪半煎日二服夜一服少頃下血膿力
 弱者用一二服惡物不盡方用坐導藥
 坐導藥 治婦人全不產及斷續更服盪胞湯
 皂角去皮 吳茱萸 當歸 大黃
 晉礬枯 戎鹽 川椒各二 五味子
 細辛 乾薑各三 蘆薈各三分

右為未以絹袋盛如... 入陰中如欲小便去之... 日仍易之如子宮有冷水天陰則痛須候下盡而止藥每日早晚用苦菜煎湯薰洗著藥後一日服紫石英丸

紫石英丸

- | | | | |
|------|-------|-----|-------|
| 紫石英 | 天門冬各三 | 紫葳 | 牡蒙各二 |
| 粉草一兩 | 桂心 | 川芎 | 卷栢 |
| 烏頭炮 | 熟地黃乾 | 辛夷仁 | 禹餘糧煨醋 |
| 當歸 | 石斛各兩 | 烏賊骨 | 牛膝 |
| 薯蕷各六 | 桑寄生 | 人參 | 牡丹皮 |
| 乾薑 | 厚朴 | 續斷 | 食茱萸 |
| 細辛各五 | 栢子仁一兩 | | |

右為未蜜丸桐子大每服二十丸温酒下

續嗣降生丹 治婦人五臟虛損子宮冷備不能成孕

- | | | | |
|----|---------------------|---------------|-----------|
| 當歸 | 桂心 | 龍齒 | 烏藥 |
| 益智 | 杜仲 | 石菖蒲 | 吳茱萸各一兩半 |
| 茯神 | 牛膝 | 秦艽 | 細辛 |
| 桔梗 | 半夏 | 防風 | 白芍藥各三 |
| 乾薑 | 生一兩半炒 | 附子 | 重一兩者作二錢入珠 |
| 牡礪 | 生二兩童便浸四十九日却用硫黃末一兩醋調 | 之米醋潤濕益泥固濟用炭煨赤 | 川椒二兩 |

右為未用糯米糊丸桐子大每服三十丸至百丸空心淡醋温酒温湯任下日二服及治男子精寒不固陽事衰弱白濁

夢泄婦人帶下寒熱... 宜百損盜汗氣短預服此藥者無不

感應

愚按前五方多慄悍之味治當審察病因不可輕用又秦桂
養真白薇葉黃地黃紫英石陽起石暖宮濟陰丹湯藥數方
尤為慄悍不可輕服未敢悉錄

寶禹鈞夜夢其亡祖父謂之曰汝緣無子又且不壽宜修善行
自是佩服乃訓復夢祖父謂曰汝名掛天曹以有陰德特延算
三紀胤錫五子悉皆榮顯

張慶司獄惟務方便年五十始生子亨有一道人馬於門謂慶
曰汝本無嗣今聞嬰兒聲非若子乎慶曰偶得一子道人曰信
乎陰德未易量爾之積累善事非一朝一夕今不但有嗣又喜
子孫文學之貴宜善保之後果如其言

馮商其妻每勸置妾商取一女已成聞其父因官網運父折鬻
女以償之商惻然不忍犯更益以資裝送還其父明年生馮京
後登狀元

馬默未有嗣知登州日奏活沙門島罪人不致枉死一日夢中
見符使挾一男女乘空來其前呼曰爾本無嗣以活人數多
上帝特賜男女各一言訖不見果如其言

時邦美之父老而無子置一妾對暗空悲泣問之乃曰父卒於
官驚妾欲辦喪耳時遂携金偕往其家殯葬而歸未幾 邦美
後舉進士官至吏部

表韶父為郡吏年五旬置一妾乃宦家女也父歿家貧鬻而歸
葬表知其故即送還更 建資益之明年生韶既長為察知事

馬涓之父無子置一妾其父喪官所無力歸葬故鬻此女即日訪其母而歸之且厚資助夜夢一羽衣曰天錫爾子慶流涓涓明年生一子因名曰涓既長及第

人之無嗣或因丈夫陽氣之不足不能施化或因婦人陰血衰憊百疾攻之以致然也故先賢立方垂訓以啓後人或者用計百端妾媵無數及皓首終身不能如其意者是皆心行有虧非命也苟能革心之非所行向善積德累功施恩布惠則上天之報施自然慶流後裔此溫隱君求嗣篇之所由作也予嘗讀聖朝為善陰騭書因覽寶禹鈞等數人所履皆言此事歷歷可鑑謹錄附贅于此以為求嗣者勸誡之一助云可爾

溫隱君求嗣保生篇第十

昔東京焦公三世無嫡嗣為商旅遊說名山尋訪至人間其因至京都遇一老僧聲清而神朗談論甚異焦恠而問之曰貧家三世無嫡嗣奈何僧曰無嗣者有二一祖宗無德自身無行二夫妻年命恐犯禁忌三精神不守妻妾血寒伽公曰血寒有何法術願聞一僧曰先脩德後脩身二年之後到臺山當授異方說畢忽不見焦一遵其言後赴五臺見一行童手持一書曰老師傳語大夫功成行滿賜方藥名續嗣降生丹依方服之當生富貴之子焦員外生子不肖亦赴五臺見行童曰老師昨日見員外何必來問我但依爾父所行愚者自賢焦曰愚道能賢乎行童曰昔竇氏五子皆不全形後行恩布德悉登科第焦氏拜謝而歸奉行雕一施方書不及二十年子孫數人皆

貴顯後人收得此行狀，方受持行用，求案者獲其子孫，皆有德行，余躬受此方，不敢緘默，併錄篇論，以告諸賢，庶不致異方湮沒耳。

正統間合肥人羅誠年六十無子，因連坐謫保安州，為民將至，居庸解者逃回羅赴關自告，或者曰：放流絕域，人所不堪，今解者既去，君可無往也。羅曰：吾罪本為人所累，使爭歸後，以此累人，吾不忍也。且國皇法不可輕違，遂至刑夜，有二盜疑其有所携，乃穿穴以取之，其妻覺，預置沸湯俟，其入則沃之，既穴二人將入，羅起諭之，乃去。次日羅至市，忽有二人俯伏道傍，羅問之，乃夜穿穴者也。二人曰：吾輩相戲，被傷殞，賴公曉諭，二命得生，公所賜也。後羅凡出外，二人必為之守護，未幾羅妻卒，妾生

丁子任延安守，一女適隆慶衛指揮使王欽。

禮部尚書沈立齋云有二老，一有子而富，一無子而貧，居址相鄰，因居高岡，其上有墓，一老欲掘墓開窆，以取利，貧者以告其妻，妻曰：岡後有墓，開以為窆，不惟燒損地脈，壞人風水，且近墳穴不可為也。遂已。之富者開岡見尸，則焚之，後見骸骨甚多，悉棄於水，因致巨富，乃起岑樓，以蓄財物，每夜家之眷屬皆居於上去其樓，以示賊不能犯，不意賊有劉六者，卒然晝至，家屬不及登樓者，則投井而死，其登樓者被焚而死，人以為焚尸於火，棄尸於水之報也。其貧者後致巨富，生三子，益其家業云。弘治間京師有黃剛者，因無子，每歲夏秋修合痢疾藥，施之，忽鄰里於靜夜聞入言黃，積善矣，送以一嗣，後果有子。

弘治間有張某自太醫出，恩生仕至縣尹，老而無子，在縣篤於
惜民已，而陞為郡守，民深感其惠，在郡生子，亦德政之所致也。
正德間，夏誠字純夫，吳江縣人，錦衣衛籍，中順天府鄉試，任武
城縣尹，愛民甚篤，因忤上司，遂歸老於家。舊民到京者，懷其德，
惠憐其清苦，莫不以財帛助之，垂老得子，後有繼其政者，甚豐
歛，縣民於中途劫之，子女皆被其害。

黃善貧而無子，傭土為業，富民倪五命其開窰取土，因鋤土，見
尸棺以舊土掩之，乃從遠地擔土而歸，後倪貧而黃富，亦開窰，
倪亦傭土於黃家，黃甚惜之，與之共食，倪因患時瘡，為人憎棄，
遂投水而死，黃聞之，遂收其尸而殯之，遂有子，且繼其富，作善
降祥，信不誣矣。竊聞之書曰：惠迪吉，逆凶，惟影響又曰：作善

降祥，作惡降殃，子之有無，自王室至於庶民，亦在乎陰德而已。
豈可專泥於藥哉。

太醫院校註婦人良方卷之九終

太醫院校註婦人良方大全卷之十

江右臨川陳自明良甫編
太醫院使立齋薛已校註
建邑書林泗泉余彰德梓

胎教門

求嗣已明須知胎教故以次之

妊娠總論第一

巢氏病源論妊娠一月名胎胚足厥陰脉養之二月名始膏足少陽脉養之三月名始胎手心主脉養之當此之時血不流行形象始化未有定儀因感而變欲子端正莊嚴常口談正言身行正事欲生男宜佩弦執弓矢欲生女宜佩帛施環珮欲子美好宜佩白玉欲子賢能宜看詩書是謂外象而內感者也四月

太醫院校註婦人良方

始受水精以成其血脉，手少陽脈養之，五月始受火精以成其氣足，太陰脈養之，六月始受金精以成其筋，足陽明脈養之，七月始受木精以成其骨，手太陰脈養之，八月始受土精以成其革，手陽明脈養之，九月始受石精以成其髮，足少陰脈養之，十月五臟六腑關節人神皆備，此其大畧也。又五臟論有稱者，婆者論一月如珠露，二月如桃花，三月男女分，四月形象具，五月筋骨成，六月毛髮生，七月遊其魂，兒能動左手，八月遊其魄，兒能動右手，九月三轉身，十月受氣足，更有顛顛經云：一月為胎胞精血凝也，二月為胎形成胎也，三月陽神為三魂，四月陰靈為七魄，五月五行分五臟也，六月六律定六腑也，七月精開竅通光明也，八月元神具降真靈也，九月宮室羅布以定生人也。

十月受氣足，萬象成也。今推究數說，五臟論者類皆淺鄙妄託其名，至於二藏佛書且涉恠誕漫不可考。今按顛顛經三卷云：中古巫方所撰其巢氏論妊娠至三月始胎之時，欲談正言行正事，佩弦常執弓矢，施環珮佩白玉，讀詩書之類，豈非胎教之理乎？嘗試推巢氏所論云：妊娠脈養之理，若厥陰肝脈也，足少陽膽脈也，為一臟腑之經，餘皆如此。且四時之令必始於春木，故十二經之養始於肝，所以養胎在二月，手少陰心主心胞絡脈也，手少陽三焦脈也，屬火而夏旺，所以養胎在三月，四月手少陰手太陽乃心脈也，以君主之官無為而尊也，足太陰脾脈也，足陽明胃脈也，屬土而旺，長夏所以養胎在五月，六月手少陰肺脈也，手陽明太腸脈也，屬金而旺，秋所以養胎在七月，八

月足少陰腎脈也屬水而旺冬所以養胎在九月又况母之腎臟繫於胎是母之真氣子之所賴也至十月兒於母腹之中受足諸臟氣脈所養然後待時而生此論奧微而有至理世更有明之者亦未有過於巢氏之論矣余因述其說

受形論第三

娠子即姓娠也故以後受形名篇并附其論

巢氏論曰陽施陰化精氣有餘兩胎有俱男俱女者道藏經云婦人月信止後一日三日五日值男女旺相日陽日陽時交合有孕多男若男女稟受皆壯則男子一或怯弱則少子顛顛經云陽盛發陰當孕成男六脈諸經皆舉其陰又云三陽所會則生男三陰所會則生女葛仙翁肘後方云男從父氣女從母氣聖濟經云天之德地之氣陰陽之至和流薄於一體因氣而左

動則屬陽陽資之則成男因氣而左動則屬陰陰資之則成女易稱乾道成男坤道成女此男女之別也凡姓娠有疾者以湯藥衰其大半而已使病去母安胎亦無損矣

愚按東垣丹溪云經水斷後一二日血海始淨精勝其血感者成男四五日後血脈已旺精不勝血感者成女蓋父精母血因感而會精之施也血能攝精故成子此萬物資始於乾元也血之行也精不能攝故成女此萬物資生於坤元也陰陽交媾胎始凝所藏之處名曰子宮一系在上下有兩歧一達於左一達於右精勝其血則陽為之主受氣於左子宮而男形成精不勝血則陰為之主受氣於右子宮而女形成此二先生之確論也若夫姓娠藥餌宜禁當參本門考之

受形篇第三

褚氏云男女之合二精交暢陰血先至陽精後衝血開暴精精入為骨而男形成矣陽精先入陰血後參精開暴血入為本而女形成矣陽氣聚面故男子面重溺死者必伏陰氣聚背故女子背重溺死者必仰走獸溺死仰伏皆然陰陽均至非男非女之身精血散分駢胎品胎之兆父少母老產女必羸母壯父衰生男必弱古之良工首察乎此氣受偏瘁與之補之補羸女則養血壯脾補弱男則壯脾節色羸女宜及時而嫁弱男宜待壯而婚此疾外所務之本不可不察也

論胎教第四

馬益卿先生

論曰胎教產圖之書不可謂之迂而不知信然亦不可狎此之

方今俚俗之家與不正之屬將息避忌略不如儀或藥毒不消或產於風露無產厄而子母均安者亦倖有之若保胎之法須多方豫養方無後患如鄰家有所興修亦或犯其胎氣令兒破形殞命如刀犯者形必傷泥犯者竅必塞打擊者色青黯繫縛者相拘攣如此等驗有如指掌不可不慎也

孕元立本章第五

有泰初有泰始混沌一判既見氣矣故曰泰初既立形矣故曰泰始氣初形始天地相因生生化化品物彰矣故曰大哉乾元萬物資始至哉乾元萬物資生

吳禎註云混沌未判則氣形俱混混沌既判則氣形已分既見氣矣是為太初既立形矣是為太始太初者凡有氣之所

本故天得之以統元氣太始者凡有形之所本故地得之以統元形天地交泰相因為氣形生生者得所以生化化者得所以化品物流行而形色名聲彰矣大哉乾元太初之所寓也故以萬物之資始為言至哉坤元太始之所寓也故以萬物資生為言惟萬物資始資生於乾坤故乾元則兆象至坤元然後形無不成

有生之初雖陽予之正育而充之必陰為之主薛左丞註陰陽離合論曰天覆地載萬物方生未出地者命曰陰處名曰陰中之陰出地者命曰陰中之陽陽予之正陰為之主王冰謂陽施正氣萬物方生陰為之主群九乃立字說始而生之者天地也育而充之者人也

因形移易日改月化坤道之代終也

列子周穆篇尹文先生曰因形移易謂之化莊子曰予方篇混元曰消息盈虛一晦一明日改月化曰有所為而莫見其功易坤卦文言曰地道無成而代有終也地之承天其無成而有終也豈迫於不得已耶蓋道之所在萬物失之則死得之則生有生之類聽命於此故無成而代有終者以道言也謂之姓陽既受始陰壬之也壬子謂之姓字說壬一陽也二陰也陽既受始陰壬之而謂之姓解曰壬陽水之干也位在亥子之間陰至亥極矣陽復受胎而謂之姓於壬至子然後生謂之胞已為正陽陰包之也
已正陽也而陰能包之陰與陽更用事故也已者孟夏之月

於卦為乾純陽用事故詩謂之正月正月者正陽之月也陰方用事而為物之主則雖正陽亦在所包而退聽焉

謂之坯未成為器猶云坯也

說文瓦未燒者謂之坯胚婦孕一月也字說坯未成為器猶坯也

謂之胎既食於母為口以也

說文胎婦孕二月也字說元胎既食於母為口以焉

若娠則以時動也

字說女娠以時動

若懷則以身依之也

字說心所懷則身依焉目錄焉

天之德地之氣陰陽之至和相與流薄於一體靈樞經曰天

在我者德地之在我者氣德流氣溥而生者也

唯能順時數謹入事勿動而傷則育之道得矣自一月積之至

於十月所謂時數也保衛輔翼防閑忌慎適其宜所謂人

觀四序之運生長收藏代出萬物儀則咸備而天地之氣未始

或虧者蓋陰陽相養以相濟也

陰陽離合論曰天覆地載萬物方生陽予之正陰為之主故

因春生因夏長因秋收因冬藏失常則天地四塞莊子天地

篇曰留動而生物物成生理謂之形形體保神各有儀則謂

之性者曾不知此乃欲拂自然之理謬為求息之術方且推

生死於五行斲補養於藥石以為勝真以入助天雖或有子

孕而不育育而不壽者衆矣昔人論年老有子者男不過盡
八八女不過盡七七則知氣血在人固自有量夫豈能逃陰
陽之至數哉

天真論帝曰有其年已老而有子者何也岐伯曰此其天壽過
度氣脈常通而腎氣有餘也此雖有子男不過盡八八女不過
盡七七而天地之精氣皆竭矣註雖老而生子子壽亦不能過
天癸之數

疑形殊稟章第六

天地者形之大也陰陽者氣之大也惟形與氣相資而立未始
偏廢
莊子則陽篇太公調曰天地者形之大者也陰陽者氣之大

者也氣以形載形以氣充惟氣與形兩者相待故曰相資而
立未始偏廢

男女構精萬物化生天地陰陽之形氣寓焉

係辭曰天地絪縕萬物化醇男女構精萬物化生

語七八之數七少陽也八少陰也相感而流通故女子二七天
癸至男子二八而精通則以陰陽交合而兆始故也

岐伯曰女子二七而天癸至任脈通衝脈盛月事以時下故
能有子男子二八腎氣盛精氣溢瀉陰陽和故能有子傳曰

女子十四有為入母之道四十九絕生育之理男子十六有
為入父之道六十四絕陽化之理

語九十之數九老陽也十老陰也相包而賦形故陰符於一男

能圍之陽窮於九女能方之則以陰陽相生而成於故也
字說陰窮於十圍之者男陽窮於九方之者女九有變也女
足以方之十無變也男足以圍之解曰男有室所以圍陰於
外女有家所以方陽於內易曰婦人之吉從二而終也夫子
制義從婦凶也圍圓也君道也夫道也圓則可以制義而行
方仁也臣道也婦道也方則從一而已男從圍與規從天同
意女從仁與臣從仁同意

元氣孕毓皆始於子自子推之男左旋積歲三十而至巳女右
旋積歲二十而至巳巳為正陽陰實從之自巳懷壬男左旋十
月而生於寅女右旋十月而生於申申為三陰寅為三陽而生
育之時著矣其稟賦也體有剛柔脉有強弱氣有多寡血有盛

衰皆一定而不易也

十九難曰男生於寅寅為木陽也不孕生於申申為金陰也
楊氏註云元氣起於子人之所生也男從子左行三十女從
子右行二十俱至於巳為夫婦懷妊也古者男子三十女年
二十然後行嫁娶十月而生者男從巳左行至寅為十月故
男行年起於丙寅女從巳右行至申為十月故女行年起於
壬申

以至分野異域則所產有多寡之宜吉事有祥則所夢各應其
類是故荆揚薄壤多女雍冀厚壤多男能龍為男子之祥蛇虺
為女子之祥是皆理之可推也

周官職方民揚州其民三男五女荊州其民一男二女

其民三男二女冀州其民五男三女詩斯千篇名海夢
維熊維罴維虺維蛇太人占之維熊維罴男子之祥維虺維蛇女子之祥

胎化之法有所謂轉女為男者亦皆理之自然如食壯雞取陽精之全於天產者帶雄黃取陽精之全於地產者

千金方轉女為男丹參丸用東門上雄雞頭又方取雄黃一兩縫囊盛帶之本草丹雄雞補虛溫中通神殺毒其肝補腎其冠血益陽雄黃入佩之鬼神不能近毒物不能傷

操弓矢藉斧斤取剛物之見於人事者氣類澄通造化家移必於三月兆形之先蓋方儀則未具陽可以勝陰變女為男理固然也

巢氏論云姪娠三月始胎形象始化未有定儀見物而變欲得男者操弓矢食雄雞

氣質生成章第七

具天地之性集萬物之靈陰陽平均氣質完備咸其自爾然而奇耦異數有衍有耗剛柔異用或強或羸血榮氣衛不能逃於消息盈虛之理則稟質之初詎可一槩論耶是以附贅垂疣駢拇枝指侏儒跛蹙形氣所賦有如此者瘡瘍癰腫龍首瘡疔瘰瘻疲瘵氣形之病有如此者然則胚胎造化之始精移氣變之後保衛輔翼固有道矣

孝經云天地之性人為貴書秦誓曰惟人萬物之靈天有五氣各有所湊地有五味各有所入所湊有節通所入有

度量凡所畏忌悉知戒慎資物為養者理固然也故寢興以時出處以節

六節藏象論曰天食人以五氣地食人以五味王冰云天以五氣食人者脾氣奏肝焦氣湊心香氣湊脾腥氣湊肺腐氣湊腎地以五味食人者酸味入肝苦味入心甘味入脾辛味入肺鹹味入腎也

可以高明可以周密使霧露風邪不得投間而入因時為養者理宜然也故必調喜怒寡嗜慾
禮記月令仲夏之月可以居高明可以處臺榭脉要精微論云冬日在骨蟄虫周密君子居室夏則順陽在上故可以高明冬則順陽氣之伏藏故可以周密

作勞不妄而氣血從之皆所以保攝維維使諸邪不得干焉
天真論岐伯曰上古之人其知道者不妄作勞故能形與神俱而盡終其天年通天論曰聖人陳陰陽筋脉和同骨髓堅固氣血皆從

苟為不然方授受之時一失調養則內不足以為中之守外不足以為身之強氣形弗充而疾疚因之
脉要曰五臟者中之守也得守者生失守者死又曰五臟者身之強也得強則生失強則死
若食免唇缺食大無聲食雜魚而生瘡癬之屬皆以食物不戒之過也

孫真人養胎法云妊娠食兔肉令子缺唇食大肉令子其言

大醫方卷之九
聲食乾鯉魚令子患瘡癩異法方論云食之使入熱中言云
魚發瘡

心氣大驚而癩疾

奇病論帝曰人生而病癩疾者何岐伯曰名為胎病此得之
在腹中時其母有所大驚氣上不下精氣并居故令子發為
癩疾也

腎氣不足而解顛

巢氏云解顛者言小兒年雖長而顛門不合頭縫開解是皆
由腎氣不成故也腎主骨髓而腦為髓海腎氣不成則腦髓
不足不能成故頭顛開解
脾胃不和而羸瘦

巢氏曰夫羸瘦不生肌膚皆為脾胃不和不能飲食故血氣
衰弱不能榮於肌膚也凡小兒在胎而遇寒或生而伏熱皆
令兒不能食故羸瘦也

心氣虛乏而神不足皆由氣血不調之故也誠能推而達之使
邪氣無所乘茲乃生育相待而成者

病源云肺主氣心主脈而血氣通榮臟腑循行經絡產則血
氣傷損臟腑不足而心統領諸臟使其勞傷不足則令驚悸
恍惚是心氣虛也

故曰天不人不因人

法言云天不人不因人不天不成

轉女為男法第八

大醫方卷之九

若婦人懷娠未滿三月男女未定形象未成故藥師不術可以轉令生男者理或有之其法以斧置娠床下繫刃向下勿令人知恐不信試令雞抱卵時依此置窠下一窠盡出雄者又自初覺有娠取弓弩絃縛婦人腰下滿百日去之此紫宮王女秘法也又娠娘三月已前以雄雞尾尖上長毛三莖潛安婦人卧席下又取夫髮及手足甲潛安卧席下俱勿令知之又娠娘纔滿三月要男者以雄黃半兩衣中帶之要女者以雌黃帶之以上諸法試之良有驗也

大醫院校註婦人良方大全卷之十終

大醫院校註婦人良方大全卷之十一

江右臨川陳自明良甫編
大醫院使立齋薛已校註
建邑書林泗泉余彰德梓

候胎門

脉例第一

王子亨云若娠娘其脉三部俱滑大而疾在左則男經云陰搏在右則女陽別謂之有子搏者近也陰脉逼近於下陽脉則出於上陽中見陽乃知陽施陰化法當有子又少陰脉動甚者娠之也手少陰屬心足少陰屬腎心主血腎主精精血交會投識于其間則有娠又三部脉浮沉正等無病者有娠也餘病如脉經說云手

尺脈浮洪者為男胎也右手尺部浮洪者為女胎也兩手尺部俱洪者為兩男俱沉實者為兩女又云一跳一止者一胎二跳二止者二月胎也

診婦人有妊歌第二

肝為血兮肺為氣血為榮兮氣為衛陰陽配偶不參差兩藏通和皆類例血衰氣旺定無妊血旺氣衰應有體

肝藏血為榮屬陰肺主氣為衛屬陽陰陽配偶者是夫婦匹配偶合構精乃有子也若血少氣盛則無娠孕若血盛氣少則有孕也

寸微關滑尺帶數流利往來非雀啄小兒之脈已見形數月懷胎猶未覺

寸脈微關脈滑尺脈帶數及流利雀啄皆是經脈閉塞不行成胎已上之脈皆是血多氣少之脈是懷小兒之脈已見形狀也

左疾為男右為女流利相通速來去兩手關脈大相應已形亦在前通語

左手脈疾為懷男右手脈疾為懷女及兩脈流行滑利相通疾速來去是或兩手關脈洪大相應是其胎已有形狀也

左脈帶縱兩箇男

縱者夫行乘妻水行乘火金行乘木即是賊脈也名曰縱見在左手則懷兩箇男兒也

右手帶橫一雙女

橫者妻乘夫也是火行乘水木行乘金即所謂勝脈也名曰積見於右手則懷一雙女兒也

左手脈逆生三男

逆者子乘母也是水行乘金火行乘木即已生脈也名曰逆見於左手則懷三箇男兒也

右手脈順還三女

順者母乘子也是金行乘水木行乘火即生巳之脈也名曰順見於右手則懷三箇女兒也

寸關尺部皆相應一男一女分形證

寸關尺部脈大小遲疾相應者是懷一男一女形證之脈也謂關前為陽關後為陰陰陽脈相應故懷一男一女也

有時子死母身存或即母亡存子命

此二句之文無辯子母存亡之法

往來三部通流利滑數相參皆替替自陽實陰虛脈得明遍滿胃堂皆逆氣

若寸關尺三部通行流利皆替替有力而滑數皆是陽實陰虛之脈主姙婦逆氣遍滿胃堂而不順也

左手太陽浮大男

左手寸口為太陽其脈浮大則是懷男子

右手太陰沉細女

右手寸口為太陰其脈沉細是懷女脈也

諸陽為男諸陰女指下分明長記取

諸陽脉皆為男即為大疾數滑實之類也當懷男子諸陰脉

三部沉細之類是也當懷女子

三部沉正等無絕尺內不正真胎婦

寸關尺三部脉沉淳正直齊等舉按無絕斷及尺內舉按不

止住者真的懷胎婦也

夫乘妻兮縱氣霧

經云縱者夫乘妻也水行乘火金行乘木即鬼賊脉也縱氣

霧霧者露也又上下也謂夫之陽氣乘妻之陰氣二氣上下

相逐如霧潤結于子也

妻乘夫兮橫氣助

橫者妻乘夫也見前註謂兩傍橫氣相佐助也

子乘母兮逆氣參

逆者子乘母也謂子氣犯母氣相乘逆行之氣相參合也

母乘子兮順氣護

是母氣乘於子氣為順氣相護衛也凡胎聚縱橫逆順四氣

以榮養方以成形也

小兒日足胎成聚身熱脉亂無所苦

婦人懷小兒五箇月是以數足胎成就而結聚也必母身體

壯熱當見脉息燥亂非病苦之症謂五月胎已成受火精以

成氣故身熱脉亂是無病也

汗出不食吐逆時精神結備其中住

謂妊胎受五行精氣以成形稟一經以榮其母懷妊三五月

其胎雖成其氣未備故胎氣未安上衝心胃則汗出下食吐逆名曰惡阻俗呼選飯雖思酸辛之味以調胎氣也滑疾不散三月胎

姙娠三月名始胎此是未有定儀心胞脈養之故脈見滑疾流利為少氣多血不散為血氣盛則始結為胎也但疾不散五月母

其脈但疾數而不散者是五箇月懷胎之母也弦緊牢強滑利安沉細而微歸泉路

孕婦之脈宜弦緊勞強滑利為安吉之脈若沉細而微謂脈與形不相應故云死也前文雖云太陰沉細又云諸陰為女其說似有相違謂三部脈皆不沉細及微故不同也

愚按前論與脈訣所云不同觀者當自推之

驗胎法第三

婦人經脈不行已經三月欲驗有胎川芎生為末空心濃煎艾湯調下二錢腹內微動則有胎也

胎殺避之產前將護法第四

一受孕之後切宜避忌胎殺所遊如經云刃犯者形必傷泥犯者竅必塞打擊者色青黯繫縛者相拘攣甚至母殞禍如及掌

月遊胎殺

立春在房床 驚蟄在戶單 清明在門雙

立夏在竈 芒種在母身 小暑在竈

立秋在碓按京本云在正北方子在 白露在厨前

大暑完交主婦人忌

寒露在門

立冬在戶及厨

大雪在爐及竈

小寒在房母身

十日遊胎殺

甲巳日占門

乙庚日占碓磨

丙辛日占井竈

丁壬日占厨解

戊癸日占米倉

十二支日遊胎殺

子丑日占中堂

寅卯辰酉日占竈

巳午日占門

未申日占籬下

戌亥日占房

六甲旬遊胎殺

甲子旬遊窓碓

甲戌旬遊正廳

甲申旬遊中庭

甲午旬遊房內

甲辰旬遊房中

甲寅旬遊

太史局日遊胎殺

每過癸巳甲午乙未丙申丁酉五日在房內北庚子辛丑壬寅三日在房內南

癸卯一日在房內西

甲辰乙巳丙午丁未四日在房內東

六戊六巳日在房內中

餘日在外無占

凡遊在房內不宜於方位上安床帳及掃舍

皆凶

又有小兒殺及本年三殺及產母身黃定命皆不可犯凡姪娘之後將此貼於房內常照視之切不可穿鑿修掘移釘擊離壁重物展壓之類犯之重則胎死腹中母亦不利

大醫局交

成人之後必定破形拳攣跛縮瘡癩疔之類

食忌論第五

一受孕之後切宜忌不可食之物非惟有感動胎氣之戒然於物理亦有厭忌者設或不能戒忌非特延月難產亦能令兒破形毋損可戒哉

食雞肉糯米合食令子生寸白蟲

食羊肝令子生多厄

食鯉魚鱠及雞子令兒成痔多瘡

食木肉令子無聲音

食兔肉令子唇缺

食蟹令子項短及損胎

食鴨子共桑椹同食令子倒生心寒

食螃蟹令子橫生

食雀肉合甘醬食之令子面生黥點黑子

食豆醬合薑香食之墮胎食水漿絕產

食雀肉令子不耻多淫

食山羊肉令子多病

食生薑令子多疳生瘡

食蝦蟇鱖魚令兒瘡癩

食驢馬肉延月難產

如此之類無不驗者則知聖人胎教之法矣

孕婦藥忌歌等六

玩蛇水蛭地膽蟲
躑躅野葛蠮螋類

烏頭附子配天雄
烏喙則子口

牛黃水銀并巴豆
牛膝藜蘆并蕒
牙硝芒硝牡丹桂
代赭蚱蟬胡粉麝
槐子牽牛并皂角
樨根礪砂與乾漆
藎麥簡茹蟹瓜甲
馬力石蠶衣魚等
乾薑蒜雞及雞子
切須婦人產前忌

大戟曲女并蜈蚣
金石錫粉及雌雄
蜥蜴飛生及麝蟲
莞花薇御草三稜
桃仁蟾螬和茅根
亭長波流蘭草中
蝟皮赤箭赤頭紅
半夏南星通草同
驢肉兔肉不須供
此歌宜記在

大醫院校註婦人良方大全卷之十一終

西村圖書

樂菴
己辰

